

Seletzione de unu rilevadore pro su tzensimentu permanente de sa populatzione

Su comune de Ula at aprontadu unu bandu pro sa seletzione de unu rilevadore, chi at a traballare in su territòriu comunale, pro su tzensimentu permanente de sa populatzione chi s'at a fàghere dae su 1^u de santugaine a su 23 de nadale de su 2021 .

1) RECHISIDOS

Sos chi chere partetzipare pro ottènnere s'incàrrigu depent tènner custos rechisidos, a sa data de presentatzione de sa domanda de partetzipatzione a sa seletzione:

- a) diploma de iscola mèdia superiore;
- b) tzitadinàntzia italiana o de unu de sos istados membros de s'Unione europea o unu regulare permissu de soggiorno;
- c) residèntzia in su Comune de Ula;
- d) edade no inferiore a 18 annos;
- e) non àere tentu cundennas penales passadas in giudicadu nen tènner protzedimentos penales in atu;
- f) godimentu de sos diritos polìticos e no àere tentu cundennas penales;
- g) idoneidade psico-fisica pro acumprire sas funtziones pròpias de rilevadore istatisticu;
- h) tènner una connòschèntzia òtima de sa limba italiana iscrita e faeddada;
- i) ischire impreare sas ainas informàticas prus usadas (PC e tablet) e tènner connoschèntzias informàticas adeguadas (internet, posta eletrònica);

2) SELEZIONE DE SOS RILEVADORES

Su sèberu de su rilevadore at a èssere fatu dae una Commissione e sa seletzione at a èssere fata in base a sos títulos indicados a su nùmeru 3 e considerende su puntègiu indicadu a costadu de ognunu.

Su rilevadore incarrigadu at a èssere unu.

3) FORMATZIONE DE SA GRADUATÒRIA PRO TÌTULOS

De totu sos chi tenent sos rechisidos pro partetzipare a sa seletzione s'at a fàghere una graduatòria in base a su puntègiu de su tìtulu de istùdiu e de sos àteros títulos comente istabilèssisu dae sa delibera de Giunta n. 32 de su 17/06/2021 e dae sa comunicatzione ISTAT n. 2 de su 18.05.2021, sighende sos crìterios in suta indicados.

At a èssere valutadu siat su diploma siat, si si tenet, sa làurea cun sos puntègios in suta indicados.

A paridade de puntos s'at a prefèrrere su candidadu prus giòvanu de edade, comente prevididu dae sa Lege 191/98.

In casu abarret sa paridade s'at a fàghere unu sortègiu.

Su puntègiu màssimu atribuidu a sos titulos est de 12 puntos e at a èssere partzidu gasi:

a) diploma de iscola mèdia superiore (màssimu puntos 4):

- valutazione dae 36/60 a 41/60 e dae 60/100 a 69/100 = puntos 1;
- valutazione dae 42/60 a 47/60 e dae 70/100 a 79/100 = puntos 2;
- valutazione dae 48/60 a 53/60 e dae 80/100 a 89/100 = puntos 3;
- valutazione dae 54/60 a 60/60 e dae 90/100 a 100/100 = puntos 4.

b) titulos de istùdiu universitàrios (màssimu puntos 4):

- valutazione dae 66/110 a 76/110 = puntos 1;
- valutazione dae 77/110 a 87/110 = puntos 2;
- valutazione dae 88/110 a 98/110 = puntos 3;
- valutazione dae 99/100 a 110 e lode = puntos 4.

In casu si tèngiat prus de una làurea, fintzas si sunt de tipologia diferente, un'ebbia at a èssere valutada, cussa cun su puntègiu prus artu.

c) Incàrrigos de rilevatziones istatisticas fata pro contu de s'ISTAT (màssimu puntos 4):

- rilevatore o coordinadore a su Tzensimentu = puntos 2;
- rilevatore o coordinadore pro sas indàgines ISTAT = puntos 2.

4) ESCLUSIONE DAE SA SELEZIONE

Sunt càusa de esclusione dae sa seletzione:

- non tènnere unu de sos rechisidos pro s'ammissione;
- sa domanda arribada a pustis de s'iscadèntzia o sentza sa còpia allegada in paperi sèmplitze de su documentu de identidade;
- si mancant o non sunt pretzisos su sambenadu e nòmene, logu e data de nàschida, residèntzia, titulu de istùdiu e de sos àteros rechisidos pedidos pro partetzipare a sa seletzione;
- si mancat sa firma;
- si mancat sa regularizatzione, a intro de s'iscadèntzia dada, de possìbiles irregularidades sanàbiles chi su candidadu at fatu compilende de sa domanda.

In ogni momentu s'Amministrazione at a pòdere dispònner s'esclusione dae sa seletzione chi at a èssere comunicada cun litera racumandada cun avisu de retzida o cun sa pec.

5) PRESENTAZIONE DE SA DOMANDA

Sa domanda de partetzipatzione a s'avisu pùblico si depet presentare in paperi sèmplitze imprende, de òbligu, su mòdulu apòsitu a disponimentu in s'Ufitziu Anàgrafe e in su situ de su Comune de Ula a s'indiritzu www.comune.ulatirso.or.it

Sa domanda de partetzipatzione depet arribare a intro de s'iscadèntzia de mesudie (h. 12.00) de su 06 de triulas 2021, cun custas modalidades:

- a) mandada cun sa posta, racumandada A/R a s'indiritzu: Comune de Ula – Ufitziu Anàgrafe – Pratzia Italia n.1 – 09080 Ula (Aristanis);
- b) cunsignada a manos a s'Ufitziu Anàgrafe de su Comune chi at a lassare una còpia timbrada comente retzida;
- c) mandada cun sa posta eletrònica tzertificada a custu indiritzu: comune.ulatirso@legalmail.it

No ant a èssere leadas in cunsideru sas domandas arribadas a pustis de s'iscadèntzia.

Sa domanda depet èssere firmada dae su candidadu e depet tènnere allegada una còpia fotostàtica no autenticada de unu documentu de identidade vàlidu de su candidadu.

Sas domandas depent èssere postas in plicu serradu in ue est iscritu: “Cuntenet sa domanda pro sa seletzione pùblica, pro titulos ebbia, pro s'assunzione de n. 1 rilevadore pro su Tzensimentu permanente de sa populatzione”.

S'Amministrazione non si leat peruna responsabilidade pro sas modalidades adotadas dae sos chi aspirant a fàghere arribare sas domandas de partetzipatzione a intro de sa data de iscadèntzia. S'iscadèntzia est perentòria e non sunt ammitidas etzetiones.

6) CÒMPITOS DE SU RILEVADORE

Sos còmpitos afidados a su rilevadore sunt custos:

- partetzipare a sos incontri formativos, cumpletare totu sos mòdulos formativos e sas provas de valutatzione intermèdios aprontados dae Istat e chi si agatant in s'apòsita piataforma web e superare sa prova finale cun una votatzione uguale o prus arta de 7;
- gestire ogni die, cun s'impreu de SGI o de s'App pro tablet, su diàriu chi pertocat a su campione de indiritzos pro sa rilevatzione Areale e de unidade de rilevatzione pro sa rilevatzione dae Lista a issos assignados;
- fàghere sas operatziones de rilevatzione de s'indàgine Areale pro su chi pertocat a sas setziones de Tzensimentu/indiritzos assignados;
- fàghere sas intervistas a sas unidades de sa rilevatzione dae Lista a issos assignadas, chi non risponent, tenende in contu de sos oràrios de presèntzia de sos chi nde faghent parte in s'allògiu e dende a issos informatziones chi pertocant sas finalidades e natura obligatòria de sa rilevatzione;
- segnalare a su Responsàbile de s'Ufitziu Comunale de Tzensimentu (UCC) si ddu ant a èssere violatziones de s'òbligu de risposta pro aviare sa protzedura santzionatòria indicada in s'art.11 de su d. lgs. 6 de cabudanni 1989, n. 322 e modificatziones fatas a pustis;

- acumprìre cale si siat àteru còmputu afidadu dae su Responsàbile de s'UCC.

Totu sas atividades s'ant a dèpere acumprìre cun sas modalidades definidas dae s'Ufitziu Comunale de Tzensimentu, dae s'ISTAT e dae sas tzirculares e normas atuativas.

Su rilevadore, assuntu s'incàrrigu, tenet s'òbligu de mantènnere s'impignu fintzas a s'acabbu de su matessi e at a dèpere èssere disponibile a operare in totu su territòriu comunale.

7) SEGRETU ISTATÌSTICU E RISERVADESA DE SOS DATOS

Su rilevadore est vinculadu a su segretu istatisticu cunforma a s'art. 8 de su D. Lgs. n. 322/1989 e a sa disciplina de su D. Lgs n. 196/2003. Essende incarrigadu de unu servìtziu pùblicu, est tentu a osservare su segretu de ufìtziu cunforma a s'art. 326 de su Còditze Penale.

A su rilevadore est proibidu, in su mentres chi faghet sas operatziones de rilevatzione, de fàghere in sos cunfrontos de sas unidades de tzensire atividades diferentes dae cussas pròpias de su tzensimentu e de regòllere informatziones chi non sunt in sos cuestionàrios de rilevatzione aprontados dae s'ISTAT.

8) CUMPENSU

S'incàrrigu de rilevadore si cunfigurat comente unu raportu de traballu autònomu ocasionale e est cunferidu cunforma a s'art. 2222 de su Còditze Tzivile, sentza chi bi siat perunu raportu de impiegu.

Su cumpensu de dare a sos rilevadores, cun sa ritenuta de acuntu Irpef (20%), at a èssere istabilidu in base a sos disponimentos de s'Istat segundu sos paràmetros indicados in su bandu, publicadu in limba italiana in su situ de su Comune de Ula e allegadu fintzas a custu.

9) TRATAMENTU DE SOS DATOS PERSONALES

[...]

10) COMUNICATZIONES

S'Ufitziu Comunale de Tzensimentu at a comunicare s'èsitu de sa seletzione e dd'at a publicare in s'albo pretòriu on line de su Comune a intro de su 09/07/2021. A pustis su candidadu incarrigadu at a èssere cunvocadu pro sas formalidades chi pertocant a s'assuntzione de s'incàrrigu. Sa disponibilidade depet èssere dada luego pro acumprìre a s'atividade de formatzione.

11) INFORMATZIONES

Custu bandu at a èssere publicadu in s'albo pretòriu on line de su situ web istituzionale de su Comune de Ula: www.comune.ulatirso.or.it

Sa responsàbile de su protzedimentu est sa Rag. BOEDDU PAOLA e a issa si podent pedire sas informatziones, in s'Ufitziu Anàgrafe de su Comune de Ula o a custu nùmeru de telèfono 0783/61000, ogni die, in custu oràriu: 11:00 - 13:00.

(MM)